



# ЛЕНИНЭНЬ КИЯВА

1941 ие  
А П Р Е Л Е Н Ъ  
25-це чи  
46 (1342) №  
ЛИСИ: 11-це ие,  
12 № ковс

ВЛКСМ-нь Мордовской обкомонь ды Саранск ошонь комитетэнь газетаст

## Физкультурной роботасонть седеяк покш успехтнень кис

Прядовсть гимнастикань коряс комсомольской организациятнень соревнованиэне, конат ютасть лыжной кроссонть коряс пек седе организованности. Теде корты, васняк, се, што гимнастической соревнованиэне минек республикасонть примасть участия 41.568 ломань, а лыжной комсомольской кроссонть эйсэ участия примакшность 10 тыщадо седе аламо ломань.

Ленинско-сталинской комсомолось аволь ансяк сонсь кеместэ кундась физкультурной роботанень, но вовлекает сонзэ эйсэ аволь союзной од ломатнень-гак. Те неяви сеньстэ, што республикасонть малав 10 тыщат аволь союзной од ломать примасть участия гимнастической соревнованиэне.

Сехте вадра результат невтеть Зубово-Полянской, Саранской ды Ромодановской районной комсомольской организациятне. Тосо гимнастической соревнованиэнеэ участвовали малав весе комсомолетнэ ды ламо аволь союзной од ломать. Примеркс, Зубово-Полянской районсо 1.280 комсомолец, а гимнастической соревнованиэнеэ участвовали 2.304 ломань. Саранской районной организациясонть 1.440 комсомолец, соревнованиэнеэ жо примасть участия 2.044 ломань.

Овси лиякс теvesь ашти Дубенской, Ширингушской ды Ельниковской районтнэс. ВЛКСМ-нь райкомонь ды первичной организациянь секретартне эзть машто обеспечить соревнованиэнеэ комсомолетнэнь ды аволь союзной од ломатнень келей участияст. Ширингушской районсо весе комсомолетнэнь эйстэ ансяк 34 процент участвовали соревнованиэнеэ, Дубенской районсо—36 процент ды ансяк единицат аволь союзной од ломать.

Целанек жо республиканть келес гимнастической соревнованиэнь результатнэ аволь брать. Ансяк а эряви оймаме теезень лангс. Эряви бороцямс весе военно-физкультурной роботасонть седеяк покш успехтнень кис.

ВЛКСМ-нь ЦК-нть решениянзо марто соответствезо, ВЛКСМ-нь Мордовской обкомонь бюрось решизе июнень 1-це чистэ июнень 15-це чинть самс ютавомс чийнемань коряс массовой комсомольской кросс (соревнования) республиканской комсомольской газетанень лемсэ. Те кроссонть особенностез ашти сеньсэ, што сон а веши кодамояк специальной оборудованиэ. Яла теке а виде ули арсеме, што кроссонть организовамонзо ды ютавоманзо коряс а эряви кодамояк серьезной работа. Мекевланк, сави ютавомс покш работа, штобу те кроссонть ютавомето минек комсомольской организациятне добававоль бу седеяк паро показателть.

Эряви бороцямс сень кис, штобу большевистской печатень чинтень посвященной комсомольской кроссонть эйсэ примаволь участия весе комсомолетнэ, конатне могут заниматься физкультурасо, ды истяжо седе ламо аволь союзной од ломать.

Улить весе возможностне сенень, штобу предстоящей соревнованиэнеэ ютавоме еще седеяк организованна ды добавамс вадра показателть.

## ВЛКСМ-нь обкомсо

ВЛКСМ-нь Мордовской обкомонь бюрось 1941 иень апрелень 22-це чистэ тейсь гимнастикань коряс республикань комсомольской организациятнень соревнованиэнь окончательной итогт.

Соревнованиэнеэ примасть участия 41.568 ломань, сынст эйстэ—32.850 комсомолец ды 8.718 аволь союзной од ломань. ГТО-нь ды БГТО-нь комплек-

сэнс гимнастической норматнень максызь 39.742 ломань.

Соревнованиэнеэ васенце тарканть саизе ВЛКСМ-нь Зубово-Полянской районной организациясь, кона казезь ВЛКСМ-нь обкомонь переходящей якстере знамясо ды физкультурань ды спортонь тевтнень коряс МАССР-нь СНК-со комитетэнь грамотасо.

## Мордовской АССР-нь комсомольской организациятнева гимнастикань коряс соревнованиэтнень ютавомань РЕЗУЛЬТАТНЭ

№	№	Организациянь лемезэ	Котаме тарка сайсь организациася соревнованиэнеэ
1	3	Полянской ВЛКСМ-нь райкомонь секретаресь Кондратьев ялгась	1
2	Саранской ВЛКСМ-нь райкомонь	Бочкарев	2
3	Ромодановской ВЛКСМ-нь райкомонь	Пятунин	3
4	Атяшевской	Колянов	4
5	Ладской	Сыропятов	5
6	Рузаевка ошонь горкомонь	Соколов	6
7	Козловской райкомонь	Щемеров	7
8	Рузаевской районной ВЛКСМ-нь	Чижова	8
9	Атюрьевской ВЛКСМ-нь	Малынин	9
10	Ст.-Синдровской	Голованова	10
11	Ковылкинской	Чугунова	11
12	Торбеевской	Степашкин	12
13	Ардатовской	Пригорин	13
14	Ичалковской	Свекло	14
15	Саранск ошонь горкомонь	Потемкин	15
16	Рыбчинской райкомонь	Офтин	16
17	Пурдошанской	Колесников	17
18	Б.-Березниковской	Кольина	18
19	Ст.-Шайговской	Дуденков	19
20	Темниковской	Акимов	20
21	Мельцанской	Лунченкова	21
22	Инсарской	Лосев	22
23	Вадомской	Скворцова	23
24	Теньгушевской	Казанцев	24
25	Лямбирской	Шемет	25
26	Игнатовской	Малькин	26
27	Краснослободской	Тараскин	27
28	Кочкуровской	Сурков	28
29	Чамзинской	Куочкина	29
30	Дубенской	Фадеекин	30
31	Ширингушской	Кучерова	31
32	Ельниковской	Журавлев	32

Примечания: Таркатнень определениянь пингстэ ВЛКСМ-нь обкомось исходил истят данойтнестэ:

а) заро комсомолетнэ участвовали соревнованиэнеэ ды заро комсомолетнэ максызь гимнастической норматнень (комсомольской организациянь составонть процентсэ);

б) заро аволь союзной од ломать участвовали соревнованиэнеэ ды заро сынст эйстэ максызь гимнастической норматнень (комсомольской организациянь составонть процентсэ).

## „Свобода“ колхозонь комсомолетнэнь ды од ломатнень сёрмадост

Апрелень 22-це чистэ ВЛКСМ-нь Мордовской обкомонь бюросонть толковазель Ромодановской райононь Михайловка велень «Свобода» колхозонь комсомолетнэнь ды од ломатнень сёрмаст «Мордовиянь весе комсомолетнэнеэ ды од ломатнэнеэ» (сёрмаст печатазель «Ленинэнь киява» газетасонть апрелень 20-це чистэ).

ВЛКСМ-нь обкомонь бюрось одобрил «Свобода» колхозонь комсомолетнэнь ды од ломатнень инициативаст, конат сайсь эсь лангзост обязательства те-

мс эсь велесэнь образцовый порядок ды ванькечи.

Бюрось обязал райкомонь ды первичной комсомольской организациянь секретартнень обсудить те сёрманть открытой комсомольской собраниясо, од ломанень собраниясо ды примамс конкретной обязательства, конат обещат комсомольской организациятнень активной участияст колхозной велетнень благоустройства кис бороцамонть.

## СССР-нь Верховной Советэнь Президиумсонть

СССР-нь Верховной Советэнь Президиумонть 1941 иень апрелень 23-це чинь Указсонзо награжденныйт:

Оперань ды балетань Таджикской Государственной театрась Таджикской оперной ды балетной искусстванть развитиясо выдающейся успехтнень кис—Ленинэнь Орденсэ;

Таджикской Государственной Филармониясь Таджикской музыкальной искусстванть развитиясонзо выдающейся успехтнень кис — Трудовой Якстере Знамянь орденсэ;

Драмань Таджикской Академической Лахути лемсэ театранть национальной театральнй искусствань развитиясонть выдающейся успехтнень кис—Трудовой Якстере Знамянь орденсэ.

\*\*\*

Таджикской театральнй ды музыкальной искусстванть развитиянь тевсэ выдающейся заслугатнень кис награжденныйт: Ленинэнь орденсэ—декадань 5 участникть, Трудовой Якстере Знамянь орденсэ—17, «Знак Почета» орденсэ—42 ды «За Трудовое Отличие» медальсэ—декадань 77 участник.

\*\*\*

Театральнй искусствань развитиясонть выдающейся заслугатнень кис Таджикской ССР-нь заслуженной артистэнь Мухамеджан Касымовнень присвоенной СССР-нь Народной артистэнь звания.

(ТАСС).

## СССР-нь Совнаркомсо

Таджикской ССР-нь искусстванть седе тов развитиянзо туртов вадра условиянень темамь цельтнэс СССР-нь Народной Комиссартнень Советэсь тейсь постановления:

Кемекстамс строямонть драмань Таджикской Академической театранть туртов зданиэнь, искусствань роботниктнень туртов эрямо кудонть, Сталинабадсо изобразительной искусстванень музеонть туртов зданиэнь, Ленинабад ошсо театрань зданиэнь, Хоррог ошсо, Шульмаксо ды Куляб ошсо театральнй зданиэнь. Весе сооружениятнень общей питнест ловозь 21,5 миллион целковой.

Нолдамс 1941 иестэ оперань ды балетань Таджикской Государственной театранть строямонзо прядоманень ды оборудованиэнь рамамонть 1.200 тыща целковой ды СССР-нь Совнаркомсо Искусствань тевтнень коряс Комитетэнь явомс 1941 иестэ Таджикской ССР-ганть дополнительна капитальной строительствас 5 миллион целковой.

\*\*\*

СССР-нь СНК-нть постановлениясонзо Москов ошсо Таджикской искусствань декадань участниктне ды организатортне премировавить ярмаксо премиясо кавто коновь окладонь размерсэ, эйкакштне жо, конат участвовали декадасонть,—оймсема кудотнес ды санаториятнес путевкас.

(ТАСС).



## ШКОЛЬНОЙ ЭРЯМОСЬ

Бажанова  
учительница дь  
сонзэ классозо

Гайгезевсь баягинесь. Панжовсь классонь кенкштне дь тонавтницятне лисеть перерывс. Од учительница Лариса Владимировна Бажанова сайнзе эсь классонь эйкакштнень дь организовась налксема. Весе вейсэ морасть пионерской морот, кой-кить дикламировась рузонь дь эрзянь кельсэ стикть...

Дь истя эрва уроктонть мейле Бажанова ялганть классонь тонавтницятне секте организованнотэ, секте интереснотэ дь веселасто ютавтнить перерывест.

Тонавтницяк эйкакштне вадрясто. Лариса Владимировна Бажанова Чукало велень школасонть роботы 1940 иень ноябрь ковсто сазь дь ловови примерной учительницяк. Сон вети II-це классонть, конаньсэ тонавтнить 43 эйкакш. Бажанова ялгась парсте аравтызе весе учебно-воспитательной роботанть. Колмоце четвертьстэнь абсолютой успеваемостень кепедизе 90 процентс. Любезнова Люся, Князькина Настя, Зеткин Илья, Тачков Юра, Влинов Вениамин тонавтнить ансяк отлична. Вадрясто тонавтнить Мокшин Вая, Лизункина Мария, Тепайкина Таиса, Чуванькина Нина дь ламо лият. Начальной школасонть омбоце классосэ сайнзе васенце тарканть успеваемостень коряс. Эйкакштне вадрясто, ваньксстэ сёрмадыть, честна ловныть, парсте решить задачатнень. Омбоце классонть эйсэ посещаемостеськак секте сэрей, дисциплинаськак секте вадря. Школав эйкакштне свал сакшныть ваньксстэ дь опрятнотэ оршазь.

Вечксызь эйкакштне Лариса Владимировна. Вечксызь секс, што сон вадрясто тест толкови ютавикс материалнень, а чарьковедикс вопростнень, эрва мейсэ лезды. Бажанова ялганть ули умелой подходоно башка эрва тонавтницятнень. Сон пек чуткой дь теке марто требовательной.

Ник. Базайкин.

Ардатовской р-н.

## Саровонь ремесленной училищасонть

Те иень апрелень 1-це чинть самс Саровонь ремесленной училищасонть анокетазельть ГСО-нь 73 значкист. Ней таго анокстыть 150 ломань, конатнень эйстэ ламот кармить Маень 1-нь чинть самс максомо норматнень.

Значкистнень анокстамось сех вадрясто мольсэ дь моли 15-це, 1-це, дь 2-це группатнесэ.

ГСО-нь значок лангс нормань максоманть дь примаомть ветясть медицин-

ской сестратне Продкина, Наркизова дь Митина ялгатне. Сынь эсь лангзост сайсть обязательства Маень 1-це чинть самс эрвантень анокстамс ГСО-нь 25 значкист.

РОКК-нь райкомонтень эряви максомс ГСО-нь значокт сеть ялгатненень, конат максызь норматнень.

Ямщиков.

Темниковской р-н.

## Мекс сын беряньстэ тонавтнить


Кода прядовить занятияне, Антонова велень начальной школань 4-це классонь тонавтницятне М. Палитин, Е. Гераськин, Д. Кузнецов дь лият туить ульцява чийнеме. Зярдояк сын кудосо кедезет а сайнить книгат, а варштакшныть тетрадезет, урокост а анокстакшноссызь.

Школасояк сын беряньстэ кунсолыть

учительницанть М. Тихонова ялганть. Секе тев ансяк кольнить. Секс беряньстэ тонавтницяк. Кодак учительница кевкстесынзе, сын мезеяк а содыть, мезеяк а ёвтыть. Овси а мелявтыть седе, штобу анокстамс испытаниятненень.

М. Липатов.

Дубенской р-н.



Культурнотэ дь веселасто ютавтыть эсь ютко шкаст Саранской 1-це № школань тонавтницятне.

СНИМКАСОНТЬ: (керш ёндо витев) Слава Кожевников, Гена Кочетов дь Нина Кахнович тонавтницятне пионерской комнатасо.

Фотось Б. Козловонь.

ВКП(б)-нь райкомонь  
пленумсо комсомолонь  
райкомонь  
секретаренть докладозо

Неть читнестэ ВКП(б)-нь Краснослободской райкомонь пленумсо кунсолось ВЛКСМ-нь райкомонь секретаренть Тараскин ялганть докладозо тунда видемантень анокстамосонть комсомолецтнень роботадост дь тунда видема шкастонть задачадост.

Докладчикесь невтсь зярыя примерт, кода комсомолецтне бороцить покш урожаенть кис. Ст.-Горященской колхозной комсомольской организациясонть (секретаресь Гринькин ялгась) 12 ломань, сынст эйстэ 10 комсомолецтне роботыть непосредственна колхозной производствасо. Ютавтеть ловонь кирдема 180 гектар лангсо, паксав ливеть 480 улав навоз, пурнасть 4,5 центнерт кулов.

Аволь беряньстэ роботыть Чукальской первичной организациянь комсомолецтне (секретаресь Мартынов ялгась). Шляпников комсомолецсэ ськамонзо паксав усксесь 300 улав навоз. Балаев дь Филимонов комсомолецтне—паро агитаторт.

Районсонть неть дь зярыя лия комсомольской организация аравтнизь уш эсь вийтнень тунда видема шкастонть колхозной производствань основной участкатнева. Сех ламо комсомолецтне кармить роботамо плугареке, видиякис, изыцяк дь лия тевсэ. Теке марто комсомолецтне кармить ветямо культурномассовой робота паксав роботыця колхозниктнень ютксо.

Но улить истят комсомольской организацияткак, конат овси а ветить бороцямо покш урожаенть кис, эзь прима участия тунда видемантень анокстамосонть. «Доброволец» колхозсонть 22 комсомолец дь сынст эйстэ ансяк 5 ломать роботыть непосредственна колхозной производствасо.

Улить истят комсомолецт, конат вешнить седе шожа роботат, «лембе таркат». Медработница Кубасова отказась молема роботамо велев. Малюгин комсомолецсэ макссь заявления дь энялды аравтомс сонзэ кодамояк канцелярской роботас.

## АНТИРЕЛИГИОЗНОЙ БЕСЕДА

## СССР-нь оборонась дь религиясь

Мировой империалистической омбоце войнась, кона яла седеяк виемкшни Советнень масторонь трудицятнень пельде веши революционной покш бдительность. Свал эряви мельсэ кирдема капиталистической окружениянь опасностень.

Неень шкань международной обстановкасэ веши советской народонть пельде сень, штобу свал улемс анококе эрва кодат неожиданностненень дь случайностненень, седеяк кемекстамс СССР-нть хозяйственной дь оборонной виензэ.

Минек масторонть оборонань тевентень покш зыян кантнить религиясь дь перькувась.

Религиясь появась ломаненть а виде представлениястонзо седе, што бую сон (ломанесь) ашти виитемекс природань вийтнень дь классовой гнетонть икеле. Религиясь кармавты пазнень озныцятнень кемемс сенень, што сынст те виитемечись—природань закон, конань аравтызе пазось. Ломанесь, религиянт койсэ, «пазонь уре» («раб божий»).

Религиясь пазнень озныця ломатнень эйсэ воспитывает зыянов качестват: коронь кирдема, пассивность, эсь вийтненень а кемема, пелема, безинициативность.

Сознательной трудицятнь койсэ революциясь—пек покш справедливостень тев секс, што сон тапи аволь

справедливой общественной порядоконть. Религиясь жо корты, што революциясь—те «грех», секс, што ломатне, келя, тапить сень, мезень «теизе-аравтызе пазось».

Неть причинатнень кувалт религиозной пережиткатне, конат еще кадовсь СССР-нь кой-кона трудицятнень сознаниясь, пек мешить минек масторонть обороноспособностензэ кемекстамонтень.

Штобу кемекстамс минек родинанть хозяйственной дь военной мощензэ, эряви седеяк пек кемедем социалистической трудонь производительностень, воспитать советской граждантинь трудонть вечкеме. Религиясь жо трудонть лови «проклятиякс», наказаниякс, конань ломатненень пазось кучинзэ грехтнень кис. Дь пазнень озныця ломанесь свал аволь сознательно относится трудовой эсь обязанностненень. Религиозной праздникень предлогонь коряс сон симкшни винадо, прогуливает, яки перькував, а лисни роботас.

Или саемс религиянт проповедензэ миранть греховностензэ кувалт, масторонть лангсо эрямонт беспельностензэ кувалт, куломадо мейле пингедепингень блаженствадонть. Ломанесь, кона одурманенной религиозной истят предассудкатнесэ, шкань-шкань может улемс аволь твердойкс эсь поведениясонзо, может а кемемс сенень, што эряви бороцяме коммунизманть кис, эсь

масторонть хозяйственной дь оборонной мощензэ кемекстамонть кис, секс, што религиясь истямо ломаненть тонавты мелявтомс ансяк эсь «оймензэ» кис, «тоначисэ эрямонт» кис.

Религиясь может пазнень озныцятнть теемс натой коммунизмань врагоке, социалистической эсь родинанть врагоке, секс, што религиясь тонавты вечкеме классовой врагтнень.

Улить истяткак сектант, кода, примеркс, толстовецтне дь евангелистне, конат проповедуют, што саемс эсь кедьс оружия отечестванть ванстамонзо кис—те грех. Но минек масторонть арасть истят ломать, конат бу аволизь чарьковде, што «Робоче-Крестьянской Якстере Армиясо воинской службасэ ашти СССР-нь граждантинь почетной обязанностекс» дь што «отечестванть ванстомасэ—СССР-нь эрва граждантинь священной долг» (СССР-нь Союзонь Конституциясонть).

Пролетарской гуманизмасэ веши сень, штобу вечкеме классонь коряс ялгатнень дь ненавидеть народонь врагтнень. А поповско-сектантской миролюбиясь пеле нев лицемерной, истяжэ, кода весемень, эрва кинь вечкемадо поповско-сектантской проповедеськак. Гражданской войнань шкастонть попне дь сектантне лездыльть белогвардеецтнень, участвовали сынст бандатнесэ. Дь нейгак религиозной организациятнень келейстэ тевс нолдтнить контрреволюционной, антисоветской элементнэ эсест подрывной антисоветской деятельности кекшеманть туртов. Советской разведкась кунцесь аволь аламо шпи-

онт дь диверсантт, конат эсест гнусной тевест тейнильть религиянь флаг ало.

Мировой поповщинась гнусной роль налкиси мировой империалистической од войнанть кирвастемасонзо. Церькувась тейни весе, штобу кекшемс те войнанть аволь справедливой, грабительской характернзэ. Мракобестнэ пачкодыть сенень, што неень шкань империалистической войнанть яволявтызь «священнойкс». Английской попне те войнанть ловить «христиантнень крестовой походке язычниктнень каршо». Итальянской ксендзтне тердить итальянской войскатнень сенень, штобу «нелгемс англичантнень кедьстэ пазонть кандолазонзо». Италиясо католической перькувань прывтось войнанть лоткавтомань вейкине средствасэ лови... молитванть. Истя поповщинась бажи религиозной оиумсо отравить трудицятнень сознаниясь дь еще седеяк келейгавтомс мировой бойнянт. Теке жо шкане малав весе мирсэнь церковниктне ветить азаргадонь травля коммунизманть каршо, Советнень масторонть каршо.

Религиянт, религиозной пережиткатнень каршо бороцямонть пек покш политической значениязо. Ломатнень сознаниясто капитализмань пережиткатнень изыязь, минь лездатано минек социалистической родинанть хозяйственной дь оборонной мощензэ кемекстамонтень, кемекстатано трудицятнень кемемас эсь вийтненень, народонть способностненень изыамс эрва кодат статкатнень.

Ф. Олещук.



## ВКП(б)-нь историянь танавнемась—эрья чинь тев

Васня вирь ало Тавлань неполной средней школань комсомолецнэ берьяньста тонавтнесть «ВКП(б)-нь историянь Краткой курсонть». Комсомольской организациясь решизе эрья ковсто тейнемс ялгань собеседованиянь партиянь историянзо коряс.

Васень собеседованиясонть ламот овси чатымонсть ды виздеть эсь политической неграмотностень кис. Теевсь общественной мнения сетнеде, кить а бажить кепедемс эсест идейно-политической уровенест. Омбоце собеседованиясь ютась седе активностэ, малав весе комсомолецнэ анокстызь эсь пряст. Истя и тусь тевес.

Эрья комсомолецнэнь Краткой курсонь тонавтнемась ней кармась улеме эрья чинь тевекс. Весень улить конспектэст. Сех вадрысто кепедить эсь идейно-политической уровенест П. Сурков, Кудашкина, Назимкина ды лия ялгатне, конат тонавтнить 5-це главнэ.

И. Борисов.

Кочкуровской р-н.

## Кудосо... ды кузницясо

Суродеев ялгась, Гузынца велень кузницянь заведующеесь, эсензэ кудосо пурны весе чемениявозь эсктненьгак. А стько эсь прынзо лови хозяйственной. Но бути сзават кузницясо, то те хозяйственностесь а неяви костояк. Кияксоса кода поягсь валазь плугонь чарыть, кшни петь, клещат, молоткат ды лия инструментт. Кузницянь ваксосо рудазганть а ялго, а ласте а ютават.

Комсомольской организациясь ды колхозонь руководителне кирдить неть безобразиянь корост, прок бутю истя эрвяняк.

И. Никитин.

Б.-Березниковской р-н.

## Планост топавтызь велькска

«Социализм» артелен коллективесь (Краснослободской район) кварталной планонзо топавтызе 102,1 проценте. Еще седейк вадра показателть добовасть башка пехтне. Примеркс, швейной цехесь топавтызе кварталной планонть 138,1 проценте, сапожное—131,5, пищевое—188,2 проценте.

Юннатнэнь лесксэс

## Кода рана кастамс куярт


Опытнэнь теамань кис саемс куяронь муромской сорт. Модань площадесь улезэ 5 квадратной метрат. Учосто-контень илязо, тока якшамо варма, сонзэ склонозо улезэ юг ёнов или юго-запад ёнов.

Куяртнэнь видемя рана соказы модас. Сех вадра удобрениякс ловови навозось, секс што сон куяртонень максы весе эрвякис веществатнень ды, зардо разлагастся, эжди моданть. Вете квадратной метрат модань участканть лангс навоз эрвяи 45—50 килограмма. Штобу растениятнень максоме питательной веществат касомань васень читнестэ, эрвяи моданть шождынестэ растворимой формасо максоме минеральной удобрения — делянканть 100 грамма селитра ды 200 грамма суперфосфат. Минеральной удобрениянь човорямс моданть граблясо.

Видемань кис кочкамс седе покш ды стака видметь. Видемадо икеле видметнень каямс ведьс ды ёртомс весе сетнень, конат кадовить лангс.

Штобу седе курук лисевальть куярт нетькстэ, видемя эрвяи пургондазь видмесэ. Сень кис, штобу видемя авольть коле ды авольть ёма якшамот-

## Предмайской социалистической соревнованиясь



Апрелень 23-це чистэ Елховка велень «Пятилетка» колхозось (Лямбирской район) лиссь видемя.

СНИМКАСОНТЬ: И. С. Андрейкин колхозникесь види-сеялкасо.

Фотось Ю. Володинэнь.

## Саранской МТС-нь коллективень успехензэ

Эрья од ломанесь ды комсомолецсь Саранской районнь машинно-тракторной станциясонть сёрмадсь социалистической соревнованиянь договор, конасонть сайсь эсь лангозонзо обязательстваста достойнасто вастомс Маень 1-це чинть.

Соревнованиясь лездась трудонь производительностень кепедемасо ды тракторонь витнемасо. Штобу успешнасто прядомс тракторонь витнеманть, сынн пурнызь ташто, а маштовикс частнень ды теизь сынн маштовиксэкс. Весе тракторнэ апрелень 1-це чис ульнест анокт. Те роботасонть покш пример невтеть кузнецесь Разгильдяев, трактористнэ В. Хуршев, А. Корнишин ды лият, конат нормаст эйсэ топавтнесть 150 ды седе ламо проценте. Ней трактористнэ эсест тракторсост тусть колхозов. Сынн макесть вал шкадо икеле ды паро кав-

честваста марто прядомс сокамонть.

Предмайской соревнованиясонть покш успехть добовасть лаборанткась Нюра Березина. Вадрысто теизе бензинэнь, автолонь ды керосинэнь анализенть. Тейсь ванькеси ды порядок бензинохранилищасонть.

Покш мель комсомолецнэ явсть эсест квалификацияст кепедеманть. Борисов, Самаркин ды Корнишин ялгатне икеле ульнест омбоце категориянь трактористэкс, ней жо—васенце категориянь.

Комсомолецнэ ды од ломатне выходной чистэ урядызь машинно-тракторной мастерскоонть ды запасной частень кладовонть.

Эсь изняккост сынн алтызь Маень 1-це чинть казнекс.

П. Саля.

Саранской р-н.

## БРУДЯТАНО СЕЛТ

Веленек малава чуди лей. Тозонь теизь апокшке сёлт. Яла теке сынн эйсэ ведесь а кирдевшни. Якить тов аватне муськеме. Ведесь сеске жо бутралгады ды весе муськематнеяк каргопкэдыть. Ансяк тень кувалт эр-

воль бу теемс покш, паро сёлт.

Минь, комсомолецнэ, аравтынек велень советанть ды «Свобода» колхозонь правлениянь икелев вопрос седе, штобу брудямс покш сёлт.

Н. Данилин.

номс саразонь пометонь растворо, конань кавксость разбавлять ведьсэ. Валномс борознынева, конат улест теизь куяр нетькстнэнь кавто ёнга вейкест-вейкест эйстэ 6—8 сантиметрань туро. Вейке погонной метранень улезэ каязь 1—2 литра раствор. Минеральной удобрениясо омбоце подкормканть теомс васенцедець мейле 15 чинь ютазь. Омбоце подкормканть пингстэ ведень вейке ведрасонть растворить 40 грамма аммиачной селитра, 40 грамма суперфосфат ды 50 грамма калийной сал. Омбоце подкормканть кайсемс борозныне, конань эрвяи теомс растениятнень кавто ёнга вейкест-вейкест эйстэ 15 сантиметрань туро. 7 метрань кувалмосо борознэнтень валомс вейке ведра подкормка.

Касозь куяртнэнь кочкамс (сезнемс) эрвяи седе мейле, зардо коськи росась, секс, што рана валске марто кочкамсто можна кольстемс лопатнень. Касозь куяртнэнь кочкамс эрвяи чинь ютазь или эрья чистэ, секс, што бути а шкасто сезнемс, тень кувалт куяртнэ сыредить, беряньгадыть ды урожаеськак карми улеме вишкине.

Бути теомс весе тень, сестэ можна получаь куяронь ранней ды покш урожай.

Д. Григорьев.

## Строямс бойкасто, дешевасто ды парсте

Вастомс Маень васенце чинть—трудиятнень международной великой праздникенть производственной планонь велькска топавтомасо—тень кисэ покш энтузиазма марто бороить Саранск ошонь 3-це № стройуправлениянь комсомолецнэ. Вана 1-це участкась. Тесэ весемезэ строительствасонть лововить 25 комсомолец.

Сынн келейстэ аравтызь эсь ютковаст предмайской социалистической соревнованиянь ды тердизь соревнованиясь 2-це участкань комсомолецнэнь.

Кавонест участканть комсомолецнэ ды од ломатне сайсть эсь лангозост конкретной обязательстваста—апрелень 25-це чис топавтомс производственной заданиянь 110 проценте. Комсомолецнэ добувасть уш а берянь результат. Апрель 20-це чис заданиясь топавтозель 104 проценте.

Кеместэ бороить комсомолецнэ строительстванть дешевалгавтоманзо кис. Сыннст инициативаст коряс тесэ ульнест теезь комиссия, кона ютавтсь эрямос жарья питней практической предложеният строительной материалнэнь экономиянь коряс. Истя, мелесь ковтнестэ стройрестась сэконо мил кемень тоннат алебастр, цемент, известь ды лия строительной материал. Комсомолецнэ бороить сень кис, штобу строямс бойкасто, дешевасто ды мазыистэ.

И. Николаев.

Саранск.

## Обязательства топавтыть тевсэ

Предмайской социалистической соревнованиянь келейгавтозэ, Саранск ошонь котонинной фабрикань коллективесь чиде-чис кепеди трудонь производительностень, велькска топавтни производственной заданиянзо. Апрель 22-це чинть ковонь заданиянь фабрикась топавтызе 116 проценте.

Котонинной цехсэнь весе ковонть перть сех вадра показателть макесть мастернэ Субеев ды Сапожников ялгатне. Сыннст сменаст топавтызь планост 122,6 проценте.

Картонной цехсэнь васень тарканть саизе мастерэсь Киреев ялгась. Омбоце таркасо ашти сменной мастерэсь инженерэсь Николаенков ялгась.

Котонинной фабрикань коллективесь борои сень кис, штобу честь марто топавтомс эсензэ лангс саезь социалистической обязательстватнень ды Маень 1-це чинть вастомс производственной од успех марто.

Ф. Касаркин.

## Литературной вечер

ВЛКСМ-нь Саранской горкомонть ды Мордовской АССР-нь писательской Союзонь правлениянь инициативаст коряс маень 7-це чистэ Саранской эли ютавтозэ од ловныцянь конференция. Ней ошонь школатнева ды промышленной предприятиянева ютавотить мордовской литературань вечерт, конат посвященноить те конференциятень анокстамонть.

Истямс вечер ютавтозель апрелень 23-це чистэ Саранской педучилищасо. Мельпаросо кунсолызь тонавтницятне «Социалистической строительства ды советской литературасо од ломанень образось» тема лангс докладонть, конань теизе А. Рогожин ялгась.

Эсест произведенийст марто выступили поэты ды писательтне Ф. Дурнов, П. Кономанин, И. Прончатов, А. Рогожин, В. Радин, В. Курзанова ды А. Малькин.



## Большевистской печатень Чинтень посвященной массовой комсомольской кросс (соревнования)

1941 иень апрель—сентябрь ковтень комсомольской организациятень военно-физкультурной мероприятии кемежастазь планонть коряс ВЛКСМ-нь ЦК-сь решил ютавтоме большевистской печатень Чинтень посвященной массовой комсомольской кросс (соревнования). Маторонть южной районтнэсэ неть кросстнэ кармить улема ютавтозь маень 3-це чистэнь маень 18-це чинть самс, северной районтнэсэ июнень 1-це чистэ июнень 15-це чинть самс.

Комсомолонь райкомтнэсэ ды горкомтнэсэ соревнованиятнень весе анокстамонть ды ютавтоманть ВЛКСМ-нь ЦК-сь возложил военно-физкультурной комиссиятнень лангс. Комсомолонь обкомтнэсэ, крайкомтнэсэ ды союз-

ной республикань ЦК-тнэсэ тень кис кармить улема теезь оргкомитетт 5—7 ломаньстэ.

Кемежастазь ВЛКСМ-нь ЦК-со оргкомитетэнь составось ВЛКСМ-нь ЦК-нь секретаренть Громов ялганть председательстванзо коряс.

ВЛКСМ-нь ЦК-сь разрешил обкомтнэсэ, крайкомтнэсэ ды Союзной республикань ЛКСМ-нь ЦК-тнэсэ присвоить тува ютавтовиця кроссонть местной комсомольской газетанть лемензэ.

ВЛКСМ-нь ЦК-сь кемежастазь массовой кросстнэде (соревнованиятнэде) положения, кона печатазь «Ленинънъ киява» газетанть те номерсэнь.

## П О Л О Ж Е Н И Я

### Большевистской печатень Чинтень посвященной массовой комсомольской кроссонть

#### I. Цельтне ды задачатне

Большевистской печатень Чинтень посвященной комсомольской кроссонть целезэ истямо:

а) комсомолецтнэ массово должны максомс чийнемань коряс ГТО-нь комплексэнь норматнэнь;

б) популяризовамс кроссонть (пересеченной таркава чийнеманть), кона ашти оборонной подготовкань средстватнэнь эйтэ вейкекс;

в) выявить кроссонть ютавтомань коряс сехте вадры первичной, районной, ошонь, областной, краевой, республиканской организациянтэ.

#### II. Кроссонть ютавтомань шкатне ды таркась

Кроссось ютавтови: Союзонь южной районтнэсэ 1941 иень маень 3-це чистэ маень 18-це чис, северной районтнэсэ—июнень 1-це чистэ июнень 15-це чис.

Первичной комсомольской организациятнень соревнованиятне ютавтовить тоско районсо, ошсо. Велетнева можна ютавтоме кустовой соревнованият.

Кроссонть ютавтомань таркатнэнь ды графиктнэнь устанавливайт оргкомитетнэ, комсомолонь райкомонь ды горкомонь военно-физкультурной комиссиятне вейсэ физкультурань ды спортонь тевтнэнь коряс комитетнэнь марто.

Кроссонь дистанциянтэ эряви кочкамс естественной условиятнэсэ.

#### III. Кроссонть ютавтоманзо коряс руководствась

Кроссонть эйсэ руководстванть ветить оргкомитетнэ, конат теезь ВЛКСМ-нь ЦК-со, обкомтнэсэ, крайкомтнэсэ ды союзной республиканть комсомолонь ЦК-тнэсэ.

Районтнэсэ ды оштнэсэ кроссонть (соревнованиянтэ) анокстамонь ды ютавтомань коряс руководстванть ветить комсомолонь райкомонь, горкомонь военно-физкультурной комиссиятне ды физкультурань ды спортонь тевтнэнь коряс комитетнэ.

Судейской коллегиятнэнь кемежастазь физической культурань ды спортонь тевтнэнь коряс местной комитетнэ ды роботыть сынт контролест адо.

#### IV. Кроссонть программась

Комсомольской кроссось ютавтови истямо дистанциясо, конат аравтозь ГТО-нь I-це ды II-це ступенень ды БГТО-нь комплексэнь.

### РЕСПУБЛИКАНСКОЙ КОМСОМОЛЬСКОЙ ГАЗЕТАТНЕНЬ ЛЕМСЭ КРОССОНТЬ ЮТАВТОМАНЬ КОРЯС ОРГКОМИТЕТЭНТЬ РАЗЪЯСНЕНИЯЗО

Республиканской комсомольской газетатнэнь лемсэ комсомольской кроссонть (соревнованиянтэ) ютавтомань коряс ВЛКСМ-нь обкомсо оргкомитетэсь разъясняет,

#### ЦЕРАНЬ КОМАНДАТНЕ

ГТО-нь I-це ступенень  
значок лангс  
1000 метра, шкась—  
3 минутат 25 секунда.

ГТО-нь II-це ступенень  
значок лангс  
3000 метра, шкась  
12 минута.

#### ТЕЙТЕРЬ-АВАНЬ КОМАНДАТНЕ

ГТО-нь I-це ступенень  
значок лангс  
500 метра, шкась  
1 минута 25 секунда.

ГТО-нь II-це ступенень  
значок лангс  
1000 метра, шкась  
4 минутат 15 секунда.

#### БГТО-НЬ ЗНАЧОК ЛАНГС

(14—16 иесэ юношат ды тейтерть)

Юношатне—1000 метра, шкась 3 мин. 45 секунда.

Тейтертне—500 метра, шкась 2 мин. 0,5 секунда.

ной республикань ЦК-тнэсэ тень кис кармить улема теезь оргкомитетт 5—7 ломаньстэ.

Кемежастазь ВЛКСМ-нь ЦК-со оргкомитетэнь составось ВЛКСМ-нь ЦК-нь секретаренть Громов ялганть председательстванзо коряс.

ВЛКСМ-нь ЦК-сь разрешил обкомтнэсэ, крайкомтнэсэ ды Союзной республикань ЛКСМ-нь ЦК-тнэсэ присвоить тува ютавтовиця кроссонть местной комсомольской газетанть лемензэ.

ВЛКСМ-нь ЦК-сь кемежастазь массовой кросстнэде (соревнованиятнэде) положения, кона печатазь «Ленинънъ киява» газетанть те номерсэнь.

#### V. Соревнованиятнэнь участниктне

Кроссонть эйсэ участвуют предприятия, учреждения, учебной заведения, колхозонь, совхозонь, МТС-нь, ремесленной ды железнодорожной училищань, фабрично-заводской обучения школань первичной комсомольской организациянтэ.

#### VI. Заявкатне

Комсомольской кроссонть эйсэ участиянтэнь заявкатнэнь первичной организациянтэ максить комсомолонь местной райкомтнэсэ, горкомтнэсэ.

Именной заявкатнэнь максомань шкатне устанавливаются тоско. Заявканть должны подписать комсомолонь комитетань секретаресэ ды врач. Тосо, косо арасэ врач, заявканть подписывает фельдшер. Заявкатнэнь примить ды ваннать военно-физкультурной комиссиянтэ.

#### VII. Соревнованиятнэнь организовамось

Соревнованиятнэнь седе парсте ютавтоманть кис первичной комсомольской организациянтэ явшесызь участниктнэнь составонть цёрань, тейтерь-авань, юношеской командас кемежастазь ломань. Командань командиртнэнь назначаамс кроссонть анокстамонь васенце читнэсэ.

#### VIII. Соревнованиятнэнь результатнэнь оценкась ды ловомась

Соревнованиятнэнь результатнэнь ловомась ды оценкась ютавтовить секе жо системанть коряс, кода лыжной комсомольской кроссонть пингстэ.

#### IX. Итогтнэнь теамась

Комсомольской кроссонть итогонь теаманть кис аравтови итоговой материалтнэнь максомань истямо порядок:

а) районной, ошонь военно-физкультурной комиссиянтэ кучесызь итоговой отчетнэнь вышестоящей оргкомитетсэ кроссонть ютавтомадо мейле колмо чиде аволь седе позда;

б) обкомтнэсэ, крайкомтнэсэ ды союзной республиканть комсомолонь ЦК-тнэсэ оргкомитетнэ кучесызь итоговой отчетнэнь ВЛКСМ-нь ЦК-со оргкомитетанть.

Кроссонть итогтне кармить улема публиковазь печатэсь.

што комсомолецтнэ ды од ломатне кроссонть эйсэ участвуют истямо дистанциясо:



Тундось Сочисэ.

СНИМКАСОНТЬ: Якстере Армиянь К. Е. Ворошилов лемсэ санаториянь парконтэ. Роботничасэ Т. Я. Турчанинова оформляет клумба.

Фотось Ю. Хельмерэнь (ТАСС-нь фото).

### Европасо ды Африкасо войнась

(Апрелень 23-це чистэ  
военной действиятнэнь  
дневник)

Греческой фронтонтэ английской ды греческой войскантэнь отступлениасэ яла моли. Кода пачти Стефани агентствась, греческой эфирской ды македонской армиянтэ сдались. Основной бойтне виевгалить Фермопильской ущельянтэ перька (Ламия ошонть эйтэ юг ёно). Греческой командованиянтэ сводкасонзо тешкстневи, што од тыловой позициянтэс греческой войскантэнь потамось теезь противникентэ ёндо кодамож мешамовтомо.

Германской авиациясь тейсэ зарья налёт греческой портнэнь ды аэродромтнэнь лангс.

\*\*\*

Германской авиациянь покш соединениятне апрелень 23-це чинть каршо вестэнь таго бомбардировизь Плимутсо верфтнэнь ды английской военно-морской флотонь снабжениянь базатнэнь. Плимуттонть башка, ульнестэ атаковазь зарья объект Англиясо ды Шотландиясо. Мольтсэ морясо германской вооруженной вийтнэнь операцияст. Германской сводкасонть пачтневи зарья английской торговой пароходтнэнь валютмадост ды коламадост.

Секе жо вестэнь английской самолетнэ атаковизь Брестанть (Франция).

\*\*\*

Юнайтед Пресс агентствась пачти, што английской войскантэ юастэ наступлениас ливийской фронтонтэ (Северной Африка). Восточной Африкасо английской ды итальянской войскантэнь ютксо бойтне молинь Дессе ошонть ваксо (Абиссиния). Итальянецтнэ тейнить виев сопротивления.

(ТАСС).

#### Мацуока сась Токиов

Апрелень 22-це чистэ иностранной тевтнэнь японской министрась Мацуока сась Токиов. Секе жо чистэнь сонзэ примизе Япониянь императорсь. Мацуока подробнойстэ доложил императорнэнь Европосо положениянтэ.

(ТАСС).

Ответ. редакторсь А. ЩЕГЛОВ.